

## Wárágā Yōhánā 'bā sīlé ĩrĩ rĩ

*U'ájó lētáná agá āzila ĩjó mgbā agá*

<sup>1</sup> Wárágā 'dĩ angá ma Yōhánā 'bá ĩyō kánīsā drĩlé ru rĩ drĩ. Ásĩ ĩ'di ũkú pélé pē-pē rĩ ní, \* anzi ĩ'didrĩ mání lélé ásĩ mgbā sī rĩ abe. † Álē ĩ'di ma 'i á'dūsĩ la ku, wó 'bá pírĩ ĩjó mgbā rĩ nĩlépi cé rĩ lē kí vā ĩmi ĩndĩ, <sup>2</sup> ā'dusĩku ĩjó mgbā rĩ 'bā u'ájó āma agá cí rĩ sī āzila ĩ'di dó ri u'álé āma ásĩ gá jā 'dā. <sup>3</sup> Má a'ĩ Ādróná āma Átépi rú rĩ 'i, āzila Ngópĩ Yēsũ Kúrísītō 'bā fē āmaní lētáná uyaná kóru rĩ 'i, ásĩ ĩgbē āma āzā 'bā sī agájó ĩ'dinĩ rĩ 'i, 'bā adru kí āma āni ĩjó mgbā sī āzila lētáná sī.

<sup>4</sup> Má u'á āyĩkō sī mání ĩsújó la anzi mídrĩ 'dĩ 'bā āzĩ kí u'á ĩjó mgbā agá, cécé Ādróná āma Átépi rú rĩ 'bā ándrá āzítáná la fēlé āmaní rĩ áni rĩ sī.

<sup>5</sup> ĩjó 'dĩ sī, ũkú rulé rūrũ 'dĩ, ásĩ mínĩ āzítáná āzĩ ú'dĩ la ku, wó āzítáná ándrá āma sī adrujó ala gá i'dóná gálé rĩ 'i. Má a'ĩ āma, lē ālē kí āma lēlé. <sup>6</sup> Lētáná mání ĩjó jojó drĩ la gá 'dĩ 'bā ífĩ, āmaní acijó āzítáná Ādróná drĩ kí agá ārútáná sī. ĩminĩ ándrá āzítáná arejó i'dóná gálé 'bo rĩ áni, āzítáná ĩ'didrĩ ĩmi u'á pírĩ lētáná sī.

---

\* **1:1** ũkú pélé pē-pē Yōhánā 'bā sī wárágā 'dĩ sǐjó rĩ ĩ'di kánīsā Kúrísītō drĩ gá rĩ 'i. † **1:1** Anzi ũkú 'dĩ drĩ Yōhánā 'bā lélé ásĩ mgbā sī 'dĩ kí 'bá āzítáná Kúrísītō drĩ rĩ agá rĩ kí.

7 'Bá 'bá kí ulélépi rĩ ãfũ kí ũnókú drĩ gá 'dâ wêwê rú. 'Bá 'dĩ ã'ĩ kí Yēsũ Kúrísītō amú ũnókú drĩ gá 'bá ru la ku, 'bá 'dĩ 'bã áni rĩ ĩ'di ĩnzó'bá, ãzıla mēró'bá Kúrísītō āni. 8 Įjọ 'dĩ sĩ, ĩmi adru mĩfĩ trũ, lē ĩmi ídri ukólépi ku ĩmĩ ãzĩ ngalé 'bo rĩ 'bã ãvĩ kí ĩminí ku, wó ĩmi dó sĩ ũyá ĩmidrĩ gá rĩ įsú įyō rú.

9 'Bá ímbátáná Kúrísītō drĩ a'belépi rá rĩ kí Ādrónâ kóru kí ásı gá. Wó 'bá ímbátáná Kúrísītō drĩ kí trũ mụlépi drĩ gá rĩ, Ādróná āma Átépi kí Ngópĩ be ĩ'di be cí. 10 'Bá ãzĩ drĩ amú ĩmi rú 'dólé ímbátáná 'dĩ kóru, lē ĩ'du ĩ'di ĩmidrĩ lícọ gá ku, ĩmi a'į vâ ĩ'di ku. 11 'Bá 'bá 'dĩ 'bã áni rĩ a'įlépi rĩ ící kí ru ĩ'di trũ ālu įjọ ũnzĩ ĩ'didrĩ 'dã kí idélé.

### *Zitáná ãsįjọ rĩ*

12 Įjọ kí áma agá 'dọ wêwê rú lélé sılé ĩminí, wó álē kí sılé kálámũ sĩ kārátásĩ drĩ gá ku. Á'bã ásı mụlé įjọ jọlé ĩmi abe mĩfĩ gá mĩfĩ gá, įjọ 'dĩ sĩ ãyĩkō ãmadrĩ ĩmi abe rĩ 'bã ga rú sĩ āma ásı gá tré. 13 Anzi ĩmi ámvópĩ ĩminí lélé lélé Ādróná 'bã pélé 'bá ĩ'didrĩ kí agá 'dọ rĩ zı kí ĩminí pírı cícı.

## **Ījò Ú'dí rĩ**

### **The Holy Bible in the Aringa language of Uganda**

copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

---

PDF generated using Haiola and XeLaTeX on 21 Feb 2024 from source files dated 29 Jan 2022

695104cf-f1e1-5cdd-8e7e-1df2480da505